


Svečano otvoren drugi Internacionalni plivački miting!

PREGLEDA: 210

Danas je u Olimpijskom bazenu Sarajevo svečano otvoren drugi Internacionalni plivački meeting „Mladi za mlade“ u organizaciji udruženja Mladi za mlade Sarajevo i PK Sporttime, te suorganizaciji Olimpijskog bazena Sarajevo. Nakon svečanog defilea i intoniranja himne, miting je otvorio direktor Olimpijskog bazena Sarajevo, gospodin Avdija Hasanović koji je pozdravio prisutne i izrazio zadovoljstvo suorganizacije mitinga, te istakao oduševljenje zbog veliko broja učesnika što je znak da grad Sarajevo postaje mjesto okupljanja kvalitetnih plivačkih klubova i odličnih plivača što znači da će u budućnosti vodeni sportovi privlačiti sve veći interes kako plivačkih klubova tako i cjelokupne javnosti.



0 - 6

U prvom dijelu današnjeg takmičenja državni rekord Bosne i Hercegovine oborio je Amar Šapčanin iz PK Sport time Sarajevo koji je ove godine dobio nagradu od Sportskog saveza Kantona Sarajevo za najperspektivnijeg plivača 2012. godine.

U drugom dijelu takmičenja, muška i ženska kategorija plivača takmičila se u disciplinama 50m delfin, 100m Leđno, 200m Prsno, 400m Slobodno, 200m Delfin, 100m Slobodno, 50m Prsno. Ženska kategorija.

Najviše medalja odnjeli su plivački klubovi: GKVS, JUG, Zgagerbački plivački savez, Sport time, Briz, Levski, Jedinstvo, Bosna, H20, Warner Bat Cub, Galeb, Napredak, Vojvodina, Sloboda, olymp, Kikinda, ST kosovo, Novi Grad, Aqua, Proleter, Stari grad, Delfin, Jadran, Bolyari, Bimba i Sport Activ.

U nedjelju 20. Oktobra je zadnji dan mitinga, a u popodnevnom dijelu mitinga održat će se finalne trke, te Grand prix trka u disciplini 50m kraul za mušku i žensku kategoriju. Za najbolja isplivana vremena Grand prix trke, dodjelit će se nagrade poklon paket sportske opreme, koju će dodjeliti ambasador Bugarske, njegova Ekselencija gospodin Angel Angelov. U završnom dijelu takmičenja dodjelit će se novčane nagrade za najbolja isplivana vremena muške i ženske kategorije, a nagrade će dodjeliti direktori kompanije MHS doo Hadis Kustura i Samir Šabanović.

Projekat je humanitarnog karaktera u kojem kupovinom ulaznica doniraju se sredstva udruženju „EDUS“ - udruženje za unapređenje obrazovanja i podrške djeci sa i bez poteškoća u razvoju s ciljem podrške radu i potrebama koje su neophodne za kvalitetniji rad s djecom.

ekskluziva.ba

<http://www.ekskluziva.ba/Svecano-otvoren-drugi-Internacionalni-plivacki-miting-/39692.html>